

Headline	PRUkasih bantu miskin bandar
MediaTitle	Berita Harian
Date	22 Nov 2012
Section	Sentral
Page No	N7



PRUkasih bantu miskin bandar

» *Tawar perlindungan asas kewangan ringan beban keluarga*

Oleh Diyanah Anuar
diyanah@bharian.com.my

■ Kuala Lumpur

PRUkasih, program perlindungan insurans untuk komuniti yang pertama seumpamanya di Malaysia memberi kesan positif kepada kumpulan sasarnya.

Sejak projek perintis hasil kerjasama Prudential Assurance Malaysia Berhad (PAMB) dan Persatuan Kebajikan Generasi Gemilang (PKG) dilancarkan September tahun lalu di Projek Perumahan Rakyat (PPR) Sri Pantai, enam keluarga sudah menerima manfaat dengan

jumlah bantuan melebihi RM15,000.

Dalam enam kes itu, ketua atau penyara keluarga terbabit yang menghidap penyakit kritis, kemalangan atau meninggal dunia melayakkan keluarga mereka menerima bantuan seperti baucar makanan RM20 sehari.

Elak kehidupan keluarga terjejas

PRUkasih yang juga tanggungjawab sosial korporat PAMB itu dilaksanakan bagi memastikan nafkah kehidupan golongan miskin terjamin dengan memberikan perlindungan asas kewangan kepada penyara utama keluarga supaya kehidupan

dapat diteruskan, walaupun berlaku perkara tidak diduga.

Ketua Pegawai Pemasaran PAMB, Fiona Liao, berkata sebagai sebuah syarikat insurans, pihaknya melihat bagaimana kehidupan ramai keluarga yang terjejas, akibat tiada jaminan kewangan apabila penyara utama keluarga ditimpa kemalangan.

“Bagi golongan miskin, masalah itu lebih runcing kerana selalunya mereka tidak mempunyai sebarang simpanan yang boleh digunakan, ketika berlaku kesulitan.

“Ini sekali gus menggugat kehidupan keluarga itu kerana tiada jaminan atau perlindungan kewangan yang dapat membantu mereka,” katanya.

Bantu golongan miskin bandar

Untuk PRUkasih, Fiona berkata, PAMB memberi tumpuan kepada golongan miskin di bandar, yang dianggap paling terjejas akibat kos sara hidup tinggi berbanding golongan miskin luar bandar.

Penduduk yang menyertai persatuan penduduk dan berdaftar dengan PRUkasih menikmati perlindungan kewangan asas selama setahun dalam bentuk kos sewa bulanan, elauan pemakanan dan wang tunai untuk urusan pengembuhan.

Headline	PRUkasih bantu miskin bandar
MediaTitle	Berita Harian
Date	22 Nov 2012
Section	Sentral
Page No	N7



Seorang penduduk PPR Sri Pantai yang tidak dapat bekerja selepas menjalani pembedahan di kaki menerima **bantuan PRUkasih**.